

OMUKUETU

N:o 10

OKTOBER

1952

OSHIHOLELUA SHOMUKRISTE.
Mat. 5:13-16.

Oteksti ndjoka ojo ojongondaha jaajapuki. Esiku ndjoka hali tu diladilica aakriste mboka ja mana oondjenda mu Kristus. Ngashingeji oje li mevululuko l'Omua. Tua njanjukua pamue najo, oshoka oja sinda. Ekondjo lja lota; oocina kadi po ue; eadimo lja holoka. Ando tu kale uo najo!

Ngiika ongoje u ja shi uo, gumue nenge jamue mboka je li meadimo, ihe mboka ue ja mona, manga ja li kombanda jevi,

Ito ja diladila ong'ojomeadimo amuke, ihe to ja dimbulukua, nkene ja kala muujuni muka.

Esiku limue ua mono mujo uunkundi, ehala ljonjama, uuntu, omapuko nokuli, ihe ua dimbulukua iilonga jimue jauo, mbjoka je ku njanjuda. Ua mono iilonga johole, jekuaco, johenda, ua uuva oohapu dimue dauo dohole. Ua mono mujo oonkondo, neididimiko neadimo ndjoka kali shi ljomuntu, aue lja zi m'Omua muene. Ua mono mujo uujelele ua Kristus.

Oohapu donena tadi ti: „One uujelele u'ujuni.“ Ha aajapuki ajeke, ihe otse mboka tu li kevi natango, hatu minikile uujelele ua sha.

Ngele uujelele uetu hau holoka moontamanana megumbo, nenge omeho getu ngele ga adima omolu ondjahi, nenge oshipala sha hokolola uuhalu uonjama, nenge eui lja holola efupa, omalundilo, uukoii, einenepeko, nena oshili jetu ja holoka. Uujelele mboka uonjama ihau siikilua. Inatu uapa oku u holeka. Oluindji otse tu li po tua fa aajuuki. Otse jene inatu dimbulula naua uujelele uetu, ihe omukuetu, jaandjetu, aasiinda, aakriste, naapagani nokuli ja tala naa naa uujelele uetu. Gal. 5:19-21. Jesus ota ti: One uujelele uujuni.“ Ote tu ciminike okujeleka ukriste uetu. Ukriste uandje ihau jelekua, nokutala nkene tandi popi nehuamo ljombepo moshigongi shoohapu, ihe nkene ndi li megumbo naanegumbo. Oluindji jaandjetu ja tseja okufatulula naua, uujelele uetu nkene ua tja.

Jesus muene ha tala uujelele uetu ngashika u li kegumbo, ha ngashika moshigongi. Jesus he tu pe uo oonkondo de, ngashika tua koka mokukala kuetu kegumbo. Kombinga jimue tashi tu tilica-omolu uufarisaji uetu. Ihe kombinga jimue otashi tu manguulua uo. Ngele tu nonjama, ojo otaji holoka, ngele Jesus omo e li mutse, oje oha holoka uo. Itatu vulu okuholeka Kristus, ngele e li mo mutse.

Omua na hambelele shili: 2Kor. 2:15-16 otaji ti: Otse ezimba euanaua lja Kristus pu Kalunga mokati kaamboka taa hupicua...“ ihe ezimba ljomeso okeso mu mboka taa ka kanicua. Omuitaali ha njanjuda ooitaali, oshoka uujelele ua Jesus hau njanjuda aana je. Ihe ezimba lja Kristus tali nika naji mokati kaakani. Ombepo juujuni ihaji zimine Ombepo ja Kristus. Tashi tu hongolola okuholeka ezimba l'Omua mokati kaantu, opo tuua kanice ookuume ketu - opo tuua shekue kaantu. Ihe otse ngele tua sohoni edina lja Jesus, oje uo te tu silohoni, nge te ja meadimo lje. Onke tu dimbulukueni, nokutja itatu vulu okuopalela Kalunga naantu. Omuntu gua Kristus, oje omongua guevi. Otse ngele tua muena, tashi ti: „Omongua ngele tagu hahuka, otagu shunua oonkondo koshike?“ Kagu na ue oshilonga, ugu nokuekeluahi! Omolu ehupiso ljetu jene tu noku nokudimbulukua uujelele uetu, ezimba ljomongua muujuni. Uupenda tan tondica aantu, ihe hau tu hedica kOmua.

Ihe „uujelele u'ujuni“ itau ti; nokutja Kalunga okue tu tula okupangula aantu neinenepeko. Otse jene ngele tua papuduka, osha ningua kesilohenda. Oluindji einenepeko hali holoka muuladi mbuka uomupapuduki. Otse ngele tatu papuduka ediladilo ndi li li pepi natse: Sigo onena huka inaku ningua sha, inaku uvicua mOmua, eikukutiko alike lja kala ko. Ngashingeji aagundjuka jamue ania ja uvica uo, nokutja ojo ajeke je nombepo ombuanaua ihe sigo onena aasita naahongi, naakriste ajehe aauambo ia koca! Oljo lja zi meinenepeko. Ngele okuna omuntu ngoka ta ji pecimbo ljeteto a ka teje mepja nokutambula: „Sigo ngashingeji inaku longua sha mepja ndika ongame ihe sho nde ja, etejo lja tameke.“ Otatu dimbulula: oje egoja, oshoka oshilonga shetejo oshooshilonga oshipu shenjanju, ihe sha tetekeleua kiilonga iidigu jokukokola, jokulima, jokukuna, jokuhelela, oshonoso. Osho muukriste Kalunga a fa ha longica aakriste aagundjuka moshilonga shetejo, ihe miilonga iidigu, oje ha longica aakriste mboka ja koka meitaalo.

Otse otu nokuhambelele shili Kalunga, oje sho e tu tumine epapuduko ndika etoje. Tatu ti: „Jaaloo, tangi Omua.“ Ihe Jesus ta ti: „Ongame uujelele u'ujuni.“ Ngoka e li mu Jesus, oje e li muujelele, e nuujelele. Onke tu dimbulukueni: Tu tonateni mu Jesus, tu mu kongeni, tu ipulapuleni tu adike muje, ngele hasho, uujelele uetu ouo omilema.

A. K.

ELAGO LJOMEGULU.

Momagumbo gomegulu
Aanelago je li mo,
Omahodi oga hulu
Ojo je nondigolo.
Andola na ngame uo
Ndi zuudigu, ndi je mo.

Kaku na uulunde nkoka,
Kau jonagula ue.
Itau kondjica ue mboka,
Mbili je ja guanene.
Andola na ngame uo
Ndi zuudigu, ndi je mo.

Nkok' ombolo taji tanga,
Mucitamatsi tu uuvu ko,
Goja uo Omua te mu panga,
Oshilema nosho uo.
Andola na ngame uo
Ndi zuudigu, ndi je mo.

Omalutu mapelela
Je ga na, ga aadima,
Jadi joondjo ga li ge na,
Kage po, ga simana.
Andola na ngame uo
Ndi zuudigu, ndi je mo

S. V. K. 622.

V. A

IIJIMATI NIILONGA JEGALIKANO.

Egalikano oljo: Ekundacano na Kalunga, oshipatululo shegulu, omukuanashilongo gua Kalunga, ngoka a tseja iholekua ja Kalunga, ngoka ha holola iholekua ja Kalunga, ngoka hi indile omagano ga Kalunga.

Oljo okukalanaua kuopambepo, uutoje uomegulu, omagadi gomilungu, omupaluci guanaua, omusindani guuinaji, omuheheli oongunga di dimue po, omuti guomuenjo, ekuaco ljomuunkundi, omuti guokukondjica uuzigo u' uulunde.

Oljo ongudi juujuni, ehanganu ljiiguana, ombuto jejambeko, e-jana ljelago, omuti guutoje.

Oljo omuindjipalici gueitaalo, omukoleki guetegameno, jina johoole, euuco ljuujuuki, omuteteli guudiginini, oshitalalelo shuunongo, omulongi gueidiliko, ehujanza ljuujogoki, eopaleko ljuujuuki, omuhameki guokutula Kalunga.

Oljo uujelele u'uunongo, oshinjanga shoondunge, einekelo ljomuenjo, omuti guumbanda, omukanka guombili, enjanju ljomuenjo, ondigolo jomeni.

Oljo kuume koondjendi, ehujanza ljomukuiita omukriste, euuco ljeifupipiko, omutetekeli guoshili, iipaluca jeididimiko, egameno ljokuvulika, olucicija luombili.

Oljo omucindikili gaaajengeli, omutindi guondeveli, omutalaleki gaaanaluhodi, omunjanjudi gaaajuuki, ondigolo jaajapuki, omukuaci gaaacindua pohi, omutalaleki guoohepele, evululuko ljaavulua.

Oljo eopaleko ljeiuuvo, omukokici guesilohenda, ecimbo ljehambelelondjimbo, omupenduci guehalo euanaua, omutalaleki gaaavulua, omutejici gueso, etameko ljomuenjo gaaaluhe, ondjuulukue jokujuulukua elago ljaaluhe.

Galikaneni muua nezimbuko.

Jes. 5: 17-18.

IIKOLICA, OJO OSHIPONGA.

Sakeus Vilho ta hokolola, nkene mu Tsumeb ojedji ja gongala mongulu jomalovu, noja tameke okunua. Okacimbo kouala, omua kolua jamue, noja tameke okukondja, aalumentu jatatu ja tsuua naji. Eso lja heda popepi manga je li menjanju ljiikolica.

Johannes Manasse mu Swakopmund a mono nkene iikolica ojo ekota ljuupika uuinaji. Satana ota julu ojedji miikolica, no te ja longica iilonga jomilema. Eca iikolica u mone evululuko pOmua.

IILONGANKONDO JOMUUA.

UUNZAPO UOMUGUNDJUKA.

Oshinima shino shepapuduko sho she ja megongalo ljaandjetu, onda li nde shi tala sha fa uudano, no ndi itula pehala euinaji, nda sheke naji. Nda sheke shono kandi shi shi, nani onda cicikilicua komutondi. Nda sheke oshilonga shOmbepo Ondjapuki mokati kaantu. Ihe ohoole ja Tate Kalunga jokuhoola omuntu cjo onene shili. Omasiku giigongi megongalo ljaandjetu sho taga hala okupua ko onda ji kujo ndi ka tale, nkene aantu taa itatagula (isicohoni). Sho nda tameke okupulakena, onda kuatva kohoni, no nda ti: „Ite cikama, kandi noondjo. Ihe ondu uvite, ngele te muena, otandi ifundju muene. Ombepo Ondjapuki ja diginine okutempa ndje, no ju ulukile ndje oondjo dandje. Onda kambadala oku di idiimbica nokuhada meimbilo ljangje, ihe meimbilo sho nde li siikulula, ondi itsu mpoka pua njolua: „Nena uugundjuka uoje u gandjel' Omuaa.“ Oondjo dandje da nenepala momoho gandje, no nda haluka, nani ongame omunandjo omunene ndi vule aanandjo aakueta. Inandi vula ue okumuena. Onda cikama ohaluka, no nda hempulula po oondjo dandje opauliliko ndjoka nde li peua kOmbepo jOmuaa guandje. Sho nde shi ningi, ondu u uda enjanju ndjoka, inaandi li mona nale mokukalamuenjo kuandje. „Omuenjo guandje hambelela Omuaa,“ osho meni ljangje mua kugagana.

Onda li ndi shi nda guana, nani onda tete oruti iitaji, ekota lja kala mc, oljo omalovu, iikunua. Na mbika uo omuntu guOmuaa e noku ji eca shili. Tala 1 Kor. 10: 21. Omulongeli Kalunga kehe, omulongi, omukuluntu guegongalo, omulongi guoskola josondaha n.s.t., ito vulu okulongela Kalunga to nu iikolica, ue, oshoka „oonkolui kaa cigulula oshilongo sha Kalunga.“ Tu ipuleni aakueta omasiku ngano tu ga na giihupe Gal. 6:7-10; 1 Petr. 4:1, 3; Iil. 14: 22. Kalunga na hambelelue shili sho ta longo iilonga je mOuambo jetu. Tu kondjelacaneni mokupukululacana nokugalikanenacana. Inamu dimbua ndje uo megalikano.

Anna ja Joel,
Ontananga.

OONKUNDANA DOKOKANKOLO.

Ihe tala, ongame ndi li pamue nane omasiku agehe, sigo ehulilo ljuuuni.

Mat. 28: 20. b.

Ngiika ua kumua nokuli, sho ua lesa oohapu dika detumo, ljo esiku ndjoka ljetumo tue li dana naale. Eeno, osho ngaa, ihe natango tuu muljo mu nuupe uoonkondo detumo. Oshoka aluhe elaka ndjoka inali mana po iilonga jaljo. Uujuni auhe, ha apehe pu na oongerki nenge omanongelo. Ano olja hala li falue po. Ihe mpaka nda hala okuhokolola eha limue, moka elaka ndika lja ada ko.

Muuzilo u'Onajena, omu na oongulunongelo nenge ndi tje ongerki onshona, ja tiua Okankolo. Elaka ndjoka lja falua po komukongi guomapja omauanaua. Oje Jakob. Jakob nguka okua mono aantu ja hepa ouala, sho kua mono jaa nuujamba uomuenjo, nando ja li po taa li omahini goongombe, niilja uo. Ihe uujamba auhe kaje u na. Ouo Jesus Kristus. Jakob okua tameke oshilonga shika okulonga aanona aashonshona. Osho ombuto ja kunua moomuenjo daa mbaka. Konima joomvula dimue pua holoka ongerki momumvo 1925. Ongerki ndjika onshona, ja tungua uo, nando ha makuma, oshoka omusita Nabot Shijoma a holoka po, na jamue ja shashua nokuli. Oje okua tula mepja ndika lja Jakob. Omumvo gua landula a coloma, nokua tungu ongerki onshona, no sigo onena ojo ji li po. Ihe elaka ljoljene lja gumu po 1915. Osho ohandje ndjoka ja fike omugulu omunene. Ngashingeji aantu ja indjipala, nando inaa guana naua okutalua ja guana omujalu omunene. Ihe ja ada pomacele gatatu niihupe jimue. Nena ndjika ongerki onshona ja kuta aantu, oji li po taji topa kocina jaantu. Ando opu monike ongerki ompe onene taji guanene aantu ajehe. Ngashingeji kua monika omusita uo omugundjuka tuu. — Ihe na omusamane nguka Nabot omo e li uo megongalo ndika Okankolo pamue nomugundjuka. Omusamane oje a cigua po komeho, ihe uujamba uoohapu dOmuaa tau fulukile mutse, aakankolo. Oje ta tumbula elaka ndika li ninge uuciga uetu atuhe, mboka hatu pulakene euvico lje. Ando u je po esiku limue oku mu pulakena, ando uuciga te u ku cigile uo. Oshoka a hala okuja kOmuaa Omukulili guetu, megulu.

Ngashingeji, otandi kokola epja, ihe tu noshimpuiju oshinene, tua hala Omuaa e tu pe ongerki ompe onene uo naua. Onke ano ngele Kalunga te shi zimine, momumvo 1953 otatu ka tunga uo ongerki. Opu na ojindji okuhokolola, ihe nda fa nda mono uupjaka di uuilonga mbjoka jokuteta iihua nokuhenjaga uo.

Ihe oonkondo dOmuaa oonene sigo ompoka tadi fala miilonga

mbika nomiilonga jOmuaa; maashashua, maakol kua, maagundjuka, maaimbi. Nando okahumba ka pumba, otu netegameno, omboka je hoole Omuaa otaa pe egongalo ndika okahumba, oyo tu imbe mokati kaapagani, noka: jehe je li po, ina makela Omuaa.

Nena Okankolo ka tja ngiini? Eeno, Omuaa a hala oku ja pa uutoje. Ojo oje nehala okugongala moongundubibeli nokomambo. Ihe uupika uunkolui, nomiituci juusiku tau kuata o'endi, jaa matuke okutaamba elaka: Ondi li pu ne aluhe. Ano elaka ndika, osho tali hala sigo onena.

Ongerki jetu ompe ja totua nokuli kaamati je li ku Oranjemund, sho je tu tumine £ 1. 13. 7d. Kalunga na hambelelue!

Th. Nakanjala

OLUHEPO LUOKULONGUA.

Ooskola sho da tameke kOuambo taku tiua aalongua mbejaka jotango ojo ja tameke okupula omuhongi ngoka e ja longo ondjambi, no ja ti: oto tu futile shike, sho tua ningi omasiku tue ku pulakene. Koku tja ojo inaa dimbulula nando ekuaco ljelongo je li longua.

Ngashingeji jamue osho je li sigo nena. Kaje uvite uuanaua tau zi moskola. Ihe ope na tuu jamue ja tameke oku shi dimbulula. Tu pulakene naua aauambo aakueta shoka taa ti.

Ehambelelo

Oskar Moses, Kalkveld ota njola ngeji: Ote pandula nokuhambelela Kalunga omolu evi ljetu, nkene li nelago. Aamati ojendji aauambo je li po ja huma komitse. Ojendji jauo je li po taa ipopile koombeleva, itaa tolodelua ue, Omumati omukuetu, ngoje ino ja moskola, oua hepa shili. Ecimbohenda oljo efupi, uujuni kau shi uetu, onke te ti, inda moskola.

Johannes Manase, Swakopmund ota ti: Tua guana okuhambelela Kalunga ngoka e tu tumine aajakuli ja zile kokule, je ja oku tu longa oohapu domuenjo, no je tu pa oondunge odindji, doka ookuku ja sila muupagani, inaje di tseja. Noshu uo aalongi jetu, omOniipa tuu ja za. Ano mOniipa mu nuuanaua shili ouindji. Onke te ti, menongelo lja tja ngaaka, onda hala mo ndi longue uo okulongua mepja lOmuaa manga pe necimbo, oshoka ondi uete oluhepo luaamuameme ojendji mboka jaa na aalongi no jaa na aasita. Ano aamati, tu jeni mooskola daamati sigo omoskola mOniipa.

Elongo li nondjambi

J. Nakatumbé Luderitsbucht okua dimbulula nkene aamati mboka ja longua moskola ohaa uvacana noojene jiilonga, no haa peua iimaliva ji vule jaamboka inaa longua mooskola, onke ano oje ota njola ngaaka:

Onda hala okulombuela, one tuu aakuluntu, tuleni uunona ueni mooskola oombuanaua doondunge. Andola tua moneni oskola jiilonga jokomake uo!

Aagundjuka aauambo pendukeni!

Aakueta aagundjuka, diginineni oskola nokuendelela manga ku jele, oshoka ecimbo ohali puila po, omuntu nando je muene ine shi dimbulula. Ecimbo otali manua po kiinima jaa na nando oshilonga. Uushimba tau mana po ecimbo ljomumati sigo ta koko ouala edelele. Ihe omolu Uushimba, ita tseja okulesha nokujalula iimaliva je, nuukriste ite u tseja naua, nando je muene okua shashua. Onke ojo otaje etele aasitagongalo uudigu, sho ja hala okuhokana, manga jojene kaje shi kulesha, eputudo ina ja mo, ekoleko ina kolekua, ohango ngaa ta pula.

Omuntu oku nuupu okulanda onguo jimaliva ojindji, niinima jilue ja nik'uugoja. Iihako jimue ja holoka naamati muka, jimue jomonasaresa, jimue ojahona aanene, jimue ojomushashe, ihe je muene oku nuudigu okulanda oBibeli, nando oljo li nomuenjo guomuntu. Oshinima shino nde shi mono, sho nda mana po ecimbo ljangje ljokutonata, manga ndi li mecimbo ljomutse omupu. Onke ano kume, ino manenua po ouala ecimbo ljoje kiinima jaa noshilonga.

Oku na uo oshinima shimue sha guana okudidilikua, osho iipala. O, oluhepo luola, omukuetu omuhoolike. Omumvo nguka inagu ku ciga po. Otandi ku halele ejambeko lOmuaa.

Isheue aauambo ajehe konjala ihaa diladila sha, no kaa na ko na sha nependuko ljoshiguana shaandjauo. Aagundjuka aauambo mboka je nokukuaca oshiguana shauo, kaa uvite ko sha. Aakuluntu jetu taa si po, ihe aagundjuka ojo oojene joshiguana andola. Iihuna shili sho ne aagundjuka muua uete oluhepo lueni no luoshiguana sheni. Uunene mboka mua valeka, mua valua komalenga nenge kaaua, pendukeni mu ze miipala, miitjani no muugoja kehe.

Aagundjuka ne mu hoole okuicela, no tamu ishata pomeho, no tamu itsu momakutsi, one aaposigoja. Ne mboka hamu lalaka-

nene omaguilacano njihulo ajihe, one mua tegelela omulilo. Aagundjuka aauambo, penduleni oshiguana sheni. Ne mboka aashekedi no kamu na konasha noohapu da Kalunga, one ochepele. Ne mboka hamu zila oohulukueja da pita ko, one aaposi.

Onke ano aagundjuka ne, aakuanjama, aandonga, aakuambi, aangandjera, aakualuudi, aambarantu, aakolonkadi naakavango, na amuhe mu li moomposi, one nda hala okupopica ngeji mu penduke moomposi, muukulu, no mu jambule oshiguana sheni.

Kuume koje E. J. S. guEndama.

Ote ku halele uo metumbulo ndika ejambeko lJomuaa:
„Mboka ja Kristus Jesus oja alela onjama jauo nuuhalu uajo nomikalo dajo momushigakano.” Gal. 5: 24.

OMBUA.

Omukongo keshe oku na ombua ei taji mu kuafa okudipaa oifitukuti. Je muene eshi e he na ontapo okukuata oifitukuti, ota shishile ko ombua jaje. Ojo ja ninga omaulu aje, okuhanga nokukuata aishe ojo i na ontapo. Ombua ojo hai te naua eefitukuti nadi da kula nokuli, ohai di dulu eenkono. Ngashi eempuulu odo di neenkono nonjati, odi findike jo kombua. Otai te ngaha tai ueda, nosho ngaha tai undike ompuulu jatjangaha. Manga ja unda, nena omukongo ote ja no ta jashe nauanaua ompuulu. Manga tai vijauka nombua, omukongo ote ja ta hondjaunine. Hano oshilonga shombua oshokuningifa oshileda, nokupjakidika ompuulu manga omukongo je muene te ja a dipae.

Ope na omukongo munene mounjuni ou, uovakriste, ou mu shi? Oje omutondi uehupifo leemuenjo dovantu. „Kaleni mu na elidiliko nomua lungama. Omutonadi ueni satana ohe mu kunduka ongo onkoshi hai kumbu, no ta kongo ou te mu ponauna po.” Oje oku na eembua dihapu odo tadi undike ovakriste. Ombua ojo he i longifa okukuata vahapu paife, momafiku etu, tai undike ovaluntu nounona ngashi ovanjasha, ojo oikoluifa. Moivilo nomoumbo ovakriste va kuatua. Va jashua nokuli noihuna.

Ou udite nkee ombua ei tai ku uedele ja hala u unde. Elalakanano lajo olo oku ku jashifa. Kotoka! „Lungameneni eemuenjo deni di ha lolokufue koivilo nokoukolue . . . efiku olo li he mu huanukile ngashi omuijo.” Omuleshi, konga ehupifo lomuenjo, ha kolutu!

N. Tomas Tuutaleni.

LUNGAMA OIKUNUA.

Ef. 5:14-21.

Oikoluifa ja tana unene mounjuni aushe. Keembinga neembinga ja tuala ovantu vahapu moiponga no meshunduko lokolutu nolokomuenjo, ku keshe tuu ou a ninga omupika uoikunua, no taji etele jo omuntu omafiku manini kombada jedu, nouii aushe tau etua koikunua. Nokuli ovantu vahapu paimpe kave na konasha nekuafu lokolutu, tava manene oinima javo neenkono davo moikunua. Lungama ove. Aveshe tuu ava ovakalinua novanandunge ova-va ihava nu. Onkolui ke nelao meulu, kombada jedu jo. Lungama ove, ovahapu unene va ja moiponga ihapu nomouii omolu okokolua, hano lungama ove. Oikunua taji imbi omuntu okudulika nokutula Kalunga nokuanifa oipango oijapuki. Onunelao ou iha nu, ta shiiva shili okudiladila ehala lomuene, neduliko la shili moipango oijapuki. Omukuetu efa oikoluifa fimbo u na efimbo liua.

Okua li ku na omukuanengalo umue, a anje alushe okudulika koipango jomuene omolu okunua. Eshi ta kumaidua, ta ti, omongula, mongula ta efa oikunua, Ndele okua fia ombadilila! Moilonga a uilua ketungo longulu, a hangika a kolua. Efiu lja tja ngaha pamue tali ningi loje jo? Lungama kaume. Omuene ita pumbua eenkolui. Ove dimbulukua jo okunua otaku ku etele oluhepo lokolutu neshunduko unene ku ava mu li mOushimba momadu oondjendi ngashi ame. Ou ta kondjo okufinda ouii, Omuene ote mu pe eenkono. Mua kundua amuhe ku

Mateus Shatipamba,
Kaaestad.

IIKOLICA.

Ikolica ojo omulodi. Esiku limue omulumentu gumue okua ji komukunda gumue. Okua ada ko omalovu nokua nu unene, sigo e-tango lja toko. Ano omulumentu okua dimbulukua omalovu ge li komukunda guauo. Okua tameke okuindila ondjaca komusamane muene guegumbo moka e li. Ano omusamane okue mu pe ondjaca. Omulumentu okua ji a njanjukua a ka ade isheue ngejaka. Okua tameke okumatuka, sho a ji puujelele, okua matuka unene. Ohaluka jouala e li pevi a punduka nokua sile po ecimbo ele. Ndele mpoka a guila, ando pu jelekue oometri 5 nenge 6. Ano sho a penduka, omajego ge gopombanda, ocilu. Okua zi ko te ja megumbo. Okua ada omukulukadi gue poshoto a tema omulilo. Sho e mu mo-

no a tiligana ombinzi, okua li a tila unene. Okua pula: „Oua ningua koshike ano, sho ua tiligana ngaaka kondjaca?” Omukulukadi ina tala manga mokana. Okua ti, nima a njonkoka. Omulumentu okua njonkoka, omukulukadi okua mono omusamane gue kee na cmajego pombanda. Omulumentu okua tameke okuhokolola nokua ti, okua liua.

Kotoka, enjanju ljiikolica oljo omulodi shili. Nge to tala oshiponga shika, osha zi peni? Omiikolica. Tu kotoke omukuetu, iikolica mbjoka tu hoole otaji tu li shili komikalo odindji.

Tomas Amukeshe,
Ogongo.

OSKOLA JAASITAGONGALO.

Okua ku Elim nokuja kOlukonda, elunduluko ndika lje ja po omolu aalongi, onkee ja ji ngeji kOlukonda. Elunduluko ndika olje eta kashona uudigu moomuenjo daalongua, shoka tua adika tui igilile noonkondo mu Elim.

Tu uvite uo uudigu, oshoka mokati ketu omu na jamue mboka inaa kola naua komalutu, nosho uo aanamagumbo jauo inaa kola. Osho oocina di li po ngaaka kombinga jolutu nokua guedua iimpuiju iikuauo joluhepo. Uunene aanamagumbo mboka je na iimpuiju jopaali.

Ngashi ndi shi sha tsejika naua, kape na ngoka ta kombo egumbo manga inaku sha. Otua mone esiku limue uo uujelele utango eja-puki mboka hau minikile meni. Uusiku umue koongulasha ongundu jetu oja papuduka moomposi, aantu ja pendulacana. Aantu oja tameke okupopja uusama uauo mboka je u hololelua kOmbepo pecimbo ndjoka. Opo ihe ojendji oja li ouala ja hala okuja mbala komagumbo, opo ja ka opaleke oompadi dauo, mpoka da ukile. Konima jefudo enjanju alike, ajihe sho ja opalekua.

Nehambelelo uo omolu ombili ndjo. Eeno, shili otashi penduca ehambelelo, onkee ano na hambelele. Omua okue tu longele oshinenelonga shika, sho e tu ulukile oondjo detu, nkene tadi tu kanica, ngele otu di na, nenge tue di hambata tse jene. Na unene sho a tompo oomuenjo detu. Mpaka otatu ti: Otua guana oku mu hambelela aluheluhe. Tu mu hambeleleni ano pamue. Otua hala ojendji je mu hambelele uo omoluetu.

Otatu indile natango etameko ndika lja kale ouala etameko, ihe pa kale uo oonkatu. Otua hala Ombepo jOmua „a kale putse aluheluhe.” Eindilo oljo ndika tu galikanenue, tu mone onkalelo ombuanua jokutegelela mpaka. Tu mone eha ljuufupielela koompadi dOmua. Eha ndika ljuufupi oljo tuu ompumbue jetu one ne mpaka. Otua hala tu kale ongiilongico moshikaha shomulongi, opo oshilonga shOmua shi mone uo ejambeko, ha eshekico, kutse. Onkee tua hala shi kale oshimpuju shaana ja Kalunga ajehe, naamboka je hole oshilonga she netaandelo ljasho. (Ef. 6: 18).

Tomas Tuutaleni.

OMUGUNDJUKA TO ICANUA.

Oshilongo shegulu sha fa omusamane a meneka a ka kongele oshitsambe she aalongi. Okua ada ko jamue ja cikama ouala poma-landelo, nokue ja lombuele: „Nane uo indeni koshitsambe shandje.”

Mat. 20:1-4.

Aagundjuka aauambo ohaa cikama poshilandelo shokOndjondjo. Jamue otaa landa sha mostora, jamue taa tegelele ouala ompito jokuilandicila omutondi nuulunde. Ihe ha kOndjondjo akuke. Ojendji taa cikama ouala nokomagumbo gauo, nenge taa ende oondjenda da nik'omilema. Otaa hepica ngaaka ecinbo ljuugundjuka uauo, no taji imonene oshiponga ashike.

Omuua Jesus te ende nota kongo aalongi jomepja lje. Na ngoje uo to icanua. Jesus ita dini nando gumue. Ito pumbua okutala uufupi uoje nuunkundi uoje, oshoka oshilonga itashi longua koonkondo doje, aue, okoonkondo domuene guuilonga. Na Jesus oti ipopi no ta ti: „Ongame nda peua oonkondo adihe kombanda jevi no megulu. Indeni ano mu ka longe”. Shaa tuu ui igandja ku Jesus, oje oku shi shi, nkene te ku longica.

Uunene one mboka mua papudulua moomuenjo deni, no mua peua edimo ljoondjo ku Jesus. Inamu cikama ouala poshilandelo, ihe ileni mu ka longe mepja lja Jesus. Iilja je otaji tikile pevi, necimbo ljetejo oljo efupielela. Ino diladila u nokuikongela tango oonguo niimaliva, opo to ja komeho. Aue, oondunge doka odo iifundja jomutondi. Omua kee nonkaji. Oje iha njengua okuzaleka omuntu gue. Tsa oongolo ngu galikane: „Taamba ndje ngashi ndi li, fala ndje mpoka ua hala, longica ndje ngashi to vulu.” Oto ka mona nkene oje te ku ulukile oshimpungu shoje, ngu shi longe.

Jesus te ku lombuele: „Ajihe nde ku pe, oshik'ua pele ndje?”

Omuenjo mu jambela, oonkondo doje uo.
OJesus longela, osig'ehulilo.
Uujuni laleka, pu Jesus cigala.

eti 26 lja Januari 1953.

Uujuni uongashingeji ouo uomalongo. Ngoka ina longua sha, oje ota njengua miilonga je ajihe. Taleni ko aamati auuambo mbo-ka je li kUushimba no ku Union shoka taa njola, na shoka taa hokolola. Oluhepo aluke lua nguka ina longua mooskola. Ojendji je noshimpuju omolu aagundjuka auuambo taa pitililua kiiguana iikuauo mbika ja tonatele elongo, no taje li kongo.

Kalunga okua shiti oondunge domuntu uo, nokua hala di deulue naua. Shokua pe omuntu iishitua ajihe ji kale mepangelo ljomuntu, ine shi diladila ojo taji pangelua paugoja, aue, opandunge tuu.

Aagundjuka pendukeni mu ilongekide mu je komalongo, ooskola ngele tadi tameke. Ino cigala moluhepo lu'uugoja, aakueni manga taa humu komeho!

Epja ljomuua tali tegelele aagundjuka ja hala okuilongekidila oshilonga shomuua. Kalunga ina hala oshilonga she tashi longua paugoja, onke a zimine omaputudilo giili no giili, moka aagundjuka taa deulua naua, opo ja uape okulonga pandunge.

Aakuluntu ilongekideni naua ku jele, mu tume aagundjuka jeni komalongo. Manga ngoje ua li omugundjuka, kakua li ompito okulungua onke ua cigala ngashi u li. Ino eca omumuoje ta hepa uo ngaaka. Kambadala oku mu kuaca a mone ompito okulungua naua.

OOSKOLA DAANONA

odindji kOuambo. Ino eca omumuoje ta putuka ongongombe. Mu tumina kooskola, odo nge tadi tameke. Ongoka a tameke nale, ihe ina pita natango, ino hulila poshakati. Aue, holoka natango sigo ua piti moongundu adihe moskola jaanona.

Aalongua aape taa taambua uo moskola kehe petameko ljomumvo. Ino tegelela sigo iivike ja piti, ihe holoka esiku ljetameko ljoskola kokutja, eti 26 lja Januari.

OOSKOLA DAAKADONA

odi li ko uo odindji, no tadi taamba aalongua aape eti 26 lja Januari 1953

Oshigambo
Engela
Elim
Uukualuudi
Okalongo
Ondobe
Omundaungilo

OOSKOLA DAAMATI

etameko ljado oljo eti 26 lja Januari 1953

Onguediva
Olukonda
Elim
Ombalantu
Engela

OOSEMINARI

osho tuu tadi tameke eti 26 Januari 1953.

Oniipa
Ongandjera
Oshigambo

Ope na uo ediladilo kOntananga noku Niimuandi ku dikilue ooskola oompe daakadona nokEentana ku dikilue oskola jaamati. Ihe oshinima shika inashi tokolua natango. Ngele otashi tokolua, nena etameko ljoskola doka otadi ka tsejicilua ku jele momagongalo.

Longekideni oombapila deni ku jele mu di tume komukuluntu guoskola ndjoka ua hala okuja mo. Konga

Ombapila jegongalo
Onzapo joje jonale

Epopilo ljomulongi guoje guonale no ljomusita no ljomuhongi gaaandjeni.

Pula tuu oondunge kaakuluntu u li pujo, opo u tsakanice oombapila u noku di tuma ko.

Ihe tangotango pula ehala lja Kalunga. Oje ngele te egulula, kape na ngoka te edile po. Oje ngele te edile po, kape na ngoka ta vulu okuegulula. Omasiku goje agehe okue ga njola mbo lje manga ngoje ino valua. Mu pula tuu naua, shoka oje e shi ku diladilile.

O O M B R I V E .

N. Amukuaja ota hokolola nkene oondjo de de mu tilica, ihe oku uvu eui meni lje kua tiua: oondjo nando di kale da tiligana, ongame tandi di jeleke. Leonard Kanjamba Okahandja oku neindilo, Omua silohenda aamu-je.

Filemon Haiduua Omaruru ta ti, endelega okutaamba ehupico.
Ph. Kaula Tsumeb te tu kundu tu itedulule shili.

A ka valele mu Luderitz, a vala okaana okakadona 18/7/52, noka pitilile po. Muhongi nokua ka tala ko omudimba notue ka fumvike mu Bethanie mesiku 20. 7. '52.

Omuua Kalunga te tu penduca, no ta ti, tu tseje eso kali na oshijelekico, oljo olja kehe.

Omuhongi guetu meneer Albat te tu kumagideni, no ta ti, o-tse inatu tileni eso, oshoka eso oljo tuu epitilo ljomukriste oku ja kevlululuc ljaaluhe.

Omushangi

B. J. Kustaa

OONDJO DOONKOLUI.

Gabriel Amupolo ota njola: pomimvo tuu dongashingeji aagundjuka je na uupu okutaamba iikolica. Aakuluntu je nokukala ja kotoka shili, aanona jaa mone kokutja, ojo ihaa nu iikolica, oshoka ojo oha kala taa landula miinima ajihe oshiholelua shaakuluntu jauo.

Ngele omolueni aanona ja ningi aanangunga jiikolica, omahodi taga kala ge cike peni nomolu iinima iikuauo, oshoka no miikuauo uo, osho taa ningi.

Omugundjuka ota diladila, oje omukuluntu, ngele a nu omalovu. Oje a dimbua, kutja etenga limue oljo oshiponga, otali eta oonkondo diikolica, no tali ku tula momulilo, opo omuenjo nolutu lu je mekano ljaaluhe.

Oshike aantu ojendji ja ji mondjila jepugumo? Omolu iikolica. Omolua shike omuntu a ji pahi ngeji manga iinamuenjo ji itumbu, oshoka iinamuenjo ohaji sile ojana oshimpuju, ihe onkolui ohaji kuca iikulja mbjoka taji paluca ojana, ji ke ji lande po iikolica.

Ombibeli otaji ti: Ino tala omavinu nando omatiligane, pehu-lilo ljago, ogo ohaga ljana, ngashika uuzigo uejoka.

Natu kole tua kotoka, tuua kale tu na oondjo diikolica, opo tuua gandje oshiholelua oshiinaji maakulilua jomuua. Oshoka omutondadi ote ende kashona na kashona sigo iiljo joje ajihe ja ji mulunde. Otu shi shi naua, mpoka pe na omeja, opo mpoka aakongi je nokuja ko, e taa holamene iijamakuti je ji jahe nuuzigo. Osho uo na mpoka pe na iikolica, nomutondadi opo e li mpoka. Kotoka uaa jahue kuje.

EMANGULUKO LJE JA.

Epapuduko tali ende ngashingeji olje etele aantu ojendji emanguluko moonkandja diikolica uo. Nojendji je shi dimbulula nokuli, nkene iikolica oje etindi ljuuinaji anhe. Kalunga na hambelelue! Ila ku Jesus na ngoje u mangululue.

Gebbard Kangungu ota ti: natu diginineni uugundjuka uetueni. Filippus Iippinge Windhoek ota ti, uujuni otatu hulu po, ihe oohapu da Kalunga itadi hulu po.

Petrus Namupala te tu dimbuluca tuua dimbue okuhamblela Kalunga. Pilemon Haiduua ta ti tu jeni kOmueue uetu. Paulus Sh. Usakos a dimbuluca nkene okino jilumbu taji pukica. Johannes P. Orangemund ta hokolola enjanju ljauo sho haa taelua po kaahongi.

Benjamin Jerobeam Windhoek ota hokolola, nkene obenzina ja huama mondjugo jauo, ihe Kalunga e ja gamene, inamu pila mo aantu. Samuel Toivo Orangemund te tu dimbuluca nkene Jesus oje omusita omuuanaua.

Jakob I. Naukosho ota ti, otandi mu galikana oojakuetu mu Kristus Jesus eceni iikunua. Oku naalumentu jaali ja lumatacana nomajego, ihe omolu iikunua tuu mbjoka.

Ku Orangemund kua zi ekundo: Paife ounjuni ou li momatengauko mahapu, oita nondjala nomapjagano tage uja, opo Omona uomunu ote ja. Pashuka, kala oupafi fiyo Omueue te uja.

Mateus Nendongo Windhoek oku nekundo, aakriste oojakuetu, natu landuleni ondjila jomuua guetu Jesus nokuleka omushigakano guetu, oshoka muka mua kala omuenjo nehupico.

N. Simon Otto Swakopmund te tu dimbuluca egalikano ljomujuuki nkene li noonkondo.

Elias Kamber Tsumeb ota ti, ngele to lalakanene uujuni kau na shoka tau ku kuaca.

Wilhelm Ekandjo ota ti, natu ende ngashi sho opalela eicano ljetu. Jonas P. oku nekundo, ecimbo lja cikana, epangulo li tameke megumbo lja Kalunga.

Stefanus Joset Windhoek ekundo lje otali ti: Efimbo la pua po. Omona a hala okuila ovahoololua vaje, onke ano na satana ta endelega okupukifa, osheshi oku uete, efimbo la pua po.

Sebulon Mika Walvisbaai okua mono omuntu a kolua, nkene a lala mpoka hapa ende iihauto. Konjala a ljetua nokuli. Iihuna jiikolica oji cike peni.

Samuel J. Nekuta Swakopmund ota ti, tu kaleni moujele, omilaulu tadi ja.

G. Saapopi Uutoni ota dimbuluca uugoja uaamboka je shi omagumbo gauo ota ga kala aluhe, nomikala dauo omapipi nomapipi.

Ndjongo Shikongo a mono nkene etembameja lja jonukile mefuta, ihe Kalunga a kuaca tuu, aantu ajehe ja hupicilua puukukutu. Eso nani otali tu kundukida.

Tobias Nuujoma Windhoek ku nekundo, Omuna guomuntu te ja ecimbo tuu ndjoka inamu mu tegelela.

Filippus Salomo Luderitzbucht te tu kundu, no te tu dimbuluca tu kale tatu ikongele ecimbo okuipula nokuikongela ehupico.

Erastus Namua Usakos ta hokolola omulumentu gumue omukuankala a li omulongi megongalo ihe a tameke okuhokua iikunua sigo je mu fala no muulunde ulue. Ngashingeji okua sa, a pile mondjugo manga a li a kolua. Jajee oshiponga shiikolica.